

讀史舉正



己巳秋日江蘇廣陵古籍
刻印社據清光緒刊本

影印

張南漪墓志銘


鄞全祖望撰

南漪讀書極博其說經皆有根據必折衷於至是而尤熟於史其樞史也尤精於地志幾幾足以分國初胡閻黃顧諸老之席其古文最嗜羅存齋於近人則喜顧亭林是其平生學術大略也浙有妄男子者客京師其文皆造險語奇字以欺人而中實索然無所有或問之則取漢唐以來之亡書對曰是出某本賦詩則以用盡韻部之字爲工方余在京師時力爲人言其謬故妄男子最恨予及予歸妄男子始猖狂而吾友中好奇者亦多爲所蠱莫之正南漪入京師見而唾曰嘻是不足爲樊紹述劉幾作輿臺何其無忌憚一至此也會妄男子正說經南漪投以帖子詰其經義數十條妄男子噤不能奮遷延避去南漪

不喜爲場屋之文故科舉累失利甲子王侍郎晉川見其對策
奇之置之副車丁卯竟薦之

天子詔求明經之士梁尙書薊林又與侍郎交登啟事故南漪
久留京師會 召對之期在明年南漪乃有金谿之行舟至三
衢暴病返棹抵家五日而卒南漪之學固未見其止卽就其所
已至者亦自足以有傳而其平日爲文最矜慎不苟作身後屏
當其篋不滿數十篇皆非其底蘊之所在惟讀史舉正一書亦
未及十之五草書散亂在故紙中予爲科分而件繫之閱其所
不可識者詮次得八卷令其子鈔而傳之不然南漪幾不免有
寂寞千秋之恨是則可悲也南漪嗜酒然易醉其家與子寓隔
一巷嘗與施慎甫飲子齋正酣暢極口論文慎甫傾耳聽之俄

而目直上視芴皇四顧大罵不知其所罵老何人也余命奚奴
扶之以歸南漪下階踏于草閃慎甫救之亦踏罵聲猶喃喃觀
者大笑由今思之不異山陽之笛也南漪姓張氏諱燿字曦亮
杭之仁和縣人曾祖文宏祖廷琦父韶聞娶沈氏生於康熙乙
酉年閏四月二十五日卒於乾隆庚午年九月二十五日其年
四十有六葬於湖上子三埏堦埏埏爲諸生屬銘于子其銘曰
文如鄂州厥壽亦侔小泉翁志其幽贈君私謚曰醉侯



讀史舉正目錄

卷一

史記

漢書

卷二

後漢書

卷三

三國志

晉書

卷四

晉書

卷五

晉書

卷六

宋書

南齊書

梁書

陳書

魏書

北齊書

周書

隋書

卷七

南史

北史

舊唐書

新唐書

卷八

新唐書

五代史

宋史

資治通鑑

讀史舉正卷一

仁和張燾曦亮撰

史記

高祖本紀

秦二世元年注徐廣曰高祖時年四十八後高祖崩注皇甫
謐曰高祖以秦昭王五十一年生至漢十二年六十三案
始皇本紀昭王享國五十六年孝文一年莊襄三年始皇三
十七年以高祖生年校之廣謐二說合但云六十三當爲
二耳漢書注臣瓚曰帝年四十二卽位卽位十二年壽五十
三與廣謐說異

周市來攻方與未戰陳王使魏人周市略地案文陳王句當

在攻方與上

遇剛武侯注應劭曰楚懷王將也漢書音義曰功臣表云云
案音義卽劭注也漢書音義四字衍班書引劭此注無此四
字

遂略韓地輶轅案輶轅上有脫文漢書本紀從輶轅至陽城
是也

王陵降西陵案西陵二字衍漢書無

漢王兵大振滎陽破楚京索閱案漢書在六月立太子上爲
是

外戚世家

竇廣國至宜陽爲其主入山作炭寒臥岸下案論衡吉驗篇

作臥炭下

齊悼惠王世家

哀王八年立營陵侯劉澤爲琅邪王其明年趙王友幽死于邸案齊哀王八年乃高后七年也漢書劉澤爲琅邪王及趙王幽死竝在高后七年本紀傳年表竝同此言明年誤也

張叔傳

武帝元朔四年韓安國免詔拜歐爲御史大夫案元朔當爲元光漢書百官表元光四年九月中尉張歐爲御史大夫又本書平津侯傳元朔三年張歐免以宏爲御史大夫據此則元朔四年歐已不在位矣

漢書

高帝紀

懷王遣沛公入關沛公道碭至陽城與杠里案潁川汝南二郡並有陽城去碭遠下有引兵至栗北攻昌邑等語安能先至陽城乎史記作成陽去碭近較是

遇剛武侯注孟康曰功臣表柴武以將軍起薛至霸上入漢中案表云十月入漢無中字又史記引此作臣瓚

酈食其說沛公襲陳畱下史記有得秦積粟四字甚要漢書去之非是

函谷關注文穎曰關在宏農今移東在河南穀城縣師古曰穀城卽新安案武帝紀元鼎三年徙函谷關于新安屬宏農郡穀城屬河南郡後漢因之而郡國志注新函谷關於穀城

下與文穎說同何焯云穀城去洛陽甚近疑非徙關之地予以晉隋唐三書地理志攷之俱無穀城縣卽杜預注左傳于定八年二月單子伐穀城下云穀城在河南縣西然則晉初已省併入新安矣是以師古曰卽新安也今地志新安在河南府西七十里故穀城在府西北十七里蓋漢時二縣接界關或徙於其闕文穎司馬彪漢末人理當不誤耳

諸侯罷戲下注師古曰戲謂軍之旌麾也一云從項羽在戲水之上故言罷戲下非也羽見高祖於鴻門已過戲矣又入

秦燒宮室不復在戲也案上明云羽率諸侯兵西至戲下

史記

無下也此云罷戲下文正相應又二世元年陳涉將周章西入

關至戲皆指戲水且羽之會鴻門西入秦豈必諸侯皆從耶

羽不在戲諸侯未必不皆在戲也若云罷旌麾之下于義不可通矣

五月漢王從故道襲雍史記在八月

出成皋玉門注張晏曰成皋北門案玉門乃成皋西門武王有玉門之難卽此注誤

高后紀

元年五月封孝惠子強淮陽王不疑恆山王宏襄城侯朝軹侯武壺關侯案表俱在四月

八年春封中謁者張釋卿爲列侯案表無卿字

景帝紀

三年正月皇太后崩注文穎曰竇太后以景帝崩後六年亡

凡立五十一年此言崩誤案后以文元年立武建元六年崩
凡四十五年文說亦誤

昭帝紀

元鳳元年注應劭曰三年中鳳皇下東海海西樂鄉於是以
冠元焉案地理志樂鄉屬信都國十三部郡無海西名而本
紀始元三年十月言鳳皇集東海文止此則海西樂鄉當爲
東海地矣 攷東海有海曲疑西爲曲之訛

哀帝紀

帝崩于未央宮注臣瓚曰帝年二十卽位卽位六年壽二十
五師古曰卽位明年乃改元壽二十六案紀云帝以元延四
年入朝時年十七矣綏和二年卽位則是十九歲明年改元

建平建平四年合元壽二年凡六年恰正二十五師古誤臣
瓚以改元爲卽位亦誤

王子侯表

齊悼惠王子管侯罷軍案管疑當作管地理志管屬濟南與
齊近菑川懿王子臨胸侯奴案齊向屬齊郡東海有胸縣此
臨字疑衍下注東海可見中山靖王子薪處侯安郭侯下竝
云涿案薪當作新郭當作國地理志新處安國竝屬中山或
先屬涿耳代共王子濕成侯忠皋琅侯遷案濕當作隰琅當
作狼志竝屬西河代共王子如蘭侯土軍侯千章侯皆西河
、邑也而表于皋琅下云臨淮千章下云平原竝誤趙敬肅王
子爲氏侯賀案爲氏卽象氏異文屬鉅鹿城陽共王子有利

侯釘案有利當作育犁屬東萊長沙定王子眾陵侯賢案眾
當作泉見王莽傳師古注河陽獻王子沈陽侯自爲下云勃
海案沈疑當作浮浮陽屬勃海魯安王子蘭旗侯臨朝案旗
當作祺屬東海膠東戴王子柳泉侯强下云南陽案柳泉屬
北海戴王子樂望侯成康侯竝云北海可證此云南陽誤也
表與地理志郡邑不同如王子侯表德侯五據侯胡毋侯下
竝云泰山志泰山郡無安城侯下云豫章志豫章郡無句容
侯下云會稽志句容屬丹陽浮邱侯下云沛志沛郡無丹陽
侯下云無湖志丹陽無湖竝屬丹陽郡龍邱侯下云琅邪志
琅邪無臨眾侯下云臨原志無臨原郡邑壽梁侯下云壽樂
志無壽樂郡邑宜城侯下云平原志宜成屬濟南臨朐侯下

云東海志齊郡東萊竝有臨胸東海則有胸縣雷侯辟土侯
下竝云東海志東海郡無尉文侯下云南郡志南郡無襄侯
下云廣平志廣平國無將梁薪館陸城三侯下竝云涿志涿
郡無蒲領侯下云東海志蒲領屬勃海畢梁旁光兩侯下竝
云魏志魏郡無廣侯下云勃海志廣屬齊郡葢侯下云魏志
葢屬泰山郡陪侯前侯下竝云平原志平原郡無案志或據
改併後表據見封時耳

外戚恩澤侯表

周呂侯澤下云六年正月丙戌封案高帝紀六年正月丙午
封荆王賈楚王交壬子封代王喜齊王肥又云封大功臣三
十餘人漢重同姓澤不應先封疑丙戌當爲丙午否則正月

當爲四月此表於建成侯呂釋之下云六年四月丙戌封釋之乃澤弟理當同日封也 又云澤薨台嗣高祖九年更封爲酈侯四年高后元年爲呂王案更封之後四年則孝惠元年也四字誤

建成侯釋之下云六年四月封九月薨案九月當作九年下云孝惠二年侯則嗣自高祖六年至孝惠二年正得九年也 酈侯騶鈞下云文元年四月封六年坐濟北王興居反弗救免案文帝紀元年六月封齊王舅騶鈞爲靖郭侯與表異而濟北王之反文紀在三年五月此云六年疑表誤

平昌侯王無故下失書平原二字 又臨薨鴻嘉元年侯獲嗣三十八年建武五年復案文不言免直言復疑有闕且自

鴻嘉元年至建武五年爲四十八年此云三十八亦誤

樂昌侯王武下地云汝南今攷地理志汝南無樂昌縣 又

甘露二年戾侯商嗣二十七年薨河平四年侯安嗣二十七年元始三年爲王莽所殺案商以河平四年薨自甘露二年至河平四年爲二十八年又自河平四年至元始三年亦二十八年此竝云二十七誤

成都侯商下注山陽案地理志山陽郡城都縣注云侯國成當作城與蜀郡成都別

百官公卿表

孝惠高后置左右丞相案酈商傳遷右丞相又云以右丞相擊陳豨然則高祖已置左右丞相不始於孝惠也

沛相蕭何爲丞相案何傳高祖爲沛公何嘗爲丞督事又高
帝紀高祖立爲沛公注孟康曰楚稱縣宰爲公陳涉爲楚王
沛公起應涉故從楚制然則縣宰安得置相傳云丞是也表
誤

太尉盧綰書五年下綰綰傳入漢以太尉常從表不得其始
爲太尉之年故以王燕之年爲定

灌嬰傳嬰以御史大夫追項籍所將卒斬籍又以車騎將軍
從擊燕王荼案籍死荼反竝在高帝五年表于御史大夫列
將軍位下竝失書

殷內史杜恬案表上云內史掌治京師此殷字疑誤增

將軍酈商爲衛尉案商傳以將軍將太上皇衛一歲不云衛

尉

九年丞相何遷爲相國案何傳陳豨反上自將聞誅韓信使使拜丞相爲相國而高紀豨反在十年九月信誅在十一年正月下有相國何等請立代王二月詔有御史大夫昌下相國云云然則何之遷非九年明矣

十年中地守宣義爲廷尉案中地郡卽右扶風也地理志注高帝九年罷復爲內史表仍其舊名耳十一年周勃爲太尉後官省孝惠六年勃復爲太尉案勃傳盧縮反勃以相國擊下薊而高紀縮反在十二年豈此時省太尉官乎然則勃中閒嘗爲相國表失之

孝文二年書衛尉足案文紀元年六月詔有衛尉足等宜書

元年下

孝文三年下中郎將張釋之爲廷尉案釋之傳以賞爲郎事文帝十年不得調其後拜謁者僕射又爲公車令中大夫然後至中郎將爲廷尉當在孝文末年表誤

孝文後二年八月戊戌丞相張蒼免下又云八月庚午陶青爲御史大夫案戊戌庚午不得並在一月

周亞夫傳文帝崩亞夫爲車騎將軍表列將軍位下不書失之

孝景元年平陸侯劉禮爲宗正二年爲楚王案二年當爲三年觀楚元王傳可見

孝景五年安邱侯張敖爲奉常案功臣表安邱懿侯張說薨

共侯奴嗣奴薨敬侯執嗣執薨康侯新嗣初無歐名又史記
歐傳安邱侯說之庶子則歐固未嘗嗣爵表言安邱侯誤

孝景中六年中大夫令直不疑更爲衛尉案表上云衛尉景
帝初更名中大夫令後元年復爲衛尉則中六年尙非衛尉
也而不疑傳以郎稍遷中大夫擊吳楚正在景帝初與表不
合似脫令字致誤

孝武建元元年下齊相牛抵爲御史大夫二年下御史大夫
趙綰自殺案綰死在二年十月時以十月爲歲首則綰之爲
御史大夫在元年無疑矣牛抵豈趙綰字之譌乎抑抵旋罷
而綰代在一年中而表失之也綰與郎中令王臧同死而表
于元年下書王臧爲郎中令不應遺綰此必有誤

淮南太守灌夫爲太僕案文南當作陽灌夫傳可據

甯成爲內史下獄論內史印案成傳抵罪髡鉗此云論內史印不成文必有誤

建元二年下郎中令石建六年卒應在元光初年而傳云萬石君元朔五年卒歲餘建亦死表傳互異

萬石君傳石慶爲太僕上問車中幾馬云云表于太僕位次失書

元光元年下隴西太守李廣爲衛尉案廣傳徙爲隴西北地雁門雲中太守入爲衛尉當云雲中太守

元光六年下韓安國爲衛尉二年爲將軍案武帝紀是年秋安國以將軍屯漁陽本傳亦云爲衛尉明年爲將軍表云二

年誤

元狩三年下三月壬辰廷尉張湯爲御史大夫六年有臯自
殺案上二年云三月壬辰御史大夫李蔡爲丞相月日皆同
疑湯代蔡卽此日也又上元朔三年云湯爲廷尉五年遷若
在元狩三年遷則六年矣又湯傳爲御史大夫七歲若在元
狩三年爲御史大夫至元鼎二年石慶代則六年矣

元帝竟寧元年下張譚爲御史大夫案匡衡傳作甄譚

孝成建始二年下何壽爲廷尉四年徙案下文三年十二月
丞相匡衡免而衡傳時司隸校尉駿少府忠行廷尉事劾奏
衡免然則壽之徙久矣安得至四年乎

張禹傳及儒林傳禹弟子彭宣爲大司空百官表失之

律厯志

劉歆作三統厯及譜以說春秋推法密要故述焉注師古曰自此以下皆述劉歆之說也案左傳襄二十四年孔氏正義曰漢書律厯志載劉歆三統之術以爲五月二十二分月之二十乃爲一交交在望前朔則日食望則月食交在望後望則月食後月朔則日食交正在朔則日食既前後望不食交正在望則月食既前後朔不食又襄二十八年正義曰漢書律厯志載劉歆三統厯以爲歲星一百四十四年行天一百四十五次一千七百二十八年爲歲星歲數以上二條今本無

地理志

東郡壽良縣注應劭曰世祖叔父名良改曰壽張案郡國志
下邳國之良城涿郡之良鄉皆未改

南陽郡春陵縣注顏師古曰漢記云戴侯仁以春陵地形下
溼請徙南陽案王子侯表戴侯熊渠孝侯仁又請徙者孝侯
也見後漢書宗室四王傳傳作考侯亦誤考乃孝之譌耳
平原郡富平縣注應劭曰明帝更名厭次案功臣表已有厭
次侯爰類則非明帝改也

濟南郡注景帝二年爲郡案文二當爲二景三年吳楚反濟
南王應之事敗國除然後爲郡也

信都國注景帝二年爲廣川國宣帝甘露三年復故案文三
當爲四原父已刊之但漢初信都爲郡建國卽改廣川自海

陽廢徙之後仍當爲郡元帝建昭二年立子興爲信都王于
是信都始爲國然陽朔二年王卽徙中山則其爲國也亦僅
矣注未明

淮陽國注孟康曰孝明帝更名陳國案郡國志陳國注故淮
陽章和二年改則是章帝非明帝也

志有二開陽一屬東海郡一屬臨淮郡二復陽一屬清和郡

一屬南陽郡

南陽爲侯國

二高陽一屬涿郡一屬琅邪郡

琅邪爲侯國

二武陽一屬犍爲郡一屬東海郡

東海爲侯國

二東陽一屬臨海

郡一屬清河郡

清河爲侯國

二西陽一屬江夏郡一屬山陽郡

山陽爲侯國

爲侯國

二成陽一屬濟陰郡一屬汝南郡

汝南爲侯國

二建陽一屬

九江郡一屬東海郡

東海爲侯國

二昌陽一屬東萊郡一屬臨淮

郡臨淮爲侯國

二安陽一屬漢中郡一屬汝南郡

汝南爲侯國

二朝陽

一屬南陽郡一屬濟南郡

濟南爲侯國

二新陽一屬汝南郡一屬

東海郡

東海爲侯國

二阿陽一屬平原郡一屬天水郡二高陵一

屬左馮翊一屬琅邪郡

琅邪爲侯國

二樂陵一屬平原郡一屬臨

淮郡

臨淮爲侯國

二定陵一屬潁川郡一屬汝南郡二陽城一屬

潁川郡一屬汝南郡

汝南爲侯國

二平城一屬雁門郡一屬北海

郡

北海爲侯國

二武城一屬左馮翊一屬定襄郡二石城一屬丹

楊郡一屬右北平郡二安成一屬長沙國一屬汝南郡

汝南爲侯國

國二樂成一屬河閔國一屬南陽郡

南陽爲侯國

二高成一屬南

郡一屬勃海郡二新成一屬河南郡一屬北海郡

北海爲侯國

二

成安一屬陳畱郡一屬潁川郡

潁川爲侯國

二東安一屬城陽國

一屬東海郡東海爲侯國 二平安一屬廣陵國一屬千乘郡千乘爲侯

國 二安平一屬涿郡一屬豫章郡豫章爲侯國 二襄平一屬遼東

郡一屬臨淮郡臨淮爲侯國 二富平一屬北地郡一屬平原郡平原

爲侯國 二高平一屬安定郡一屬臨淮郡臨淮爲侯國 二廣平一屬

廣平國一屬臨淮郡並爲國 二西平一屬汝南郡一屬臨淮郡

二新都一屬廣漢郡一屬南陽郡南陽爲侯國 二武都一屬武都

郡一屬五原郡二鄭縣一屬京兆尹一屬山陽郡山陽爲侯國 二

饒縣一屬西河郡一屬北海郡北海爲侯國 二黃縣一屬東萊郡

一屬山陽郡山陽爲侯國 二劇縣一屬菑川國一屬北海郡北海爲侯

國 二鄆縣一屬沛郡一屬南陽郡南陽爲侯國 二平臺一屬濟南

郡一屬常山郡常山爲侯國 二平昌一屬琅邪郡一屬平原郡平原

為侯
二新昌一屬遼東郡一屬涿郡涿郡為侯國二新市一屬中

山國一屬鉅鹿郡鉅鹿為侯國二成鄉一屬高密國一屬北海郡

北海為侯國二陰山一屬西河郡一屬桂陽郡桂陽為侯國二海曲一

屬東海郡一屬琅邪郡琅邪為侯國二安邱一屬北海郡一屬琅

邪郡琅邪為侯國二歸德一屬北地郡一屬汝南郡汝南為侯國二鍾

武一屬零陵郡一屬江夏郡江夏為侯國二宜春一屬豫章郡一

屬汝南郡汝南為侯國二陽樂一屬遼西郡一屬東萊郡東萊為侯國

二馴望一屬樂浪郡一屬琅邪郡琅邪為侯國二定陶一屬濟陰

郡一屬定襄郡二臨胸一屬齊郡一屬東萊郡有三曲陽一

屬東海郡一屬交趾郡一屬九江郡九江為侯國三建成一屬豫

章郡一屬勃海郡一屬沛郡沛郡為侯國三安定一屬安定郡一

屬交阯郡一屬鉅鹿郡鉅鹿爲侯國又東海有二平曲一爲侯國

顏師古曰蓋各以相近爲名也然多有絕不相近者

志于列侯封邑竝注侯國然多有不注者如河東之猗氏陳邀

國汾陰周昌國長修杜恬國平陽曹參國絳周勃國狐譟杆者國太原之

國鄔鄔鈞國汾陽靳強國上黨之壺關呂武國河內之汲上不害國河陽陳涓

國共旅罷師國平皋劉它國軹呂義薄昭國隆慮陳融國河南之中牟單右

車平張瞻師國開封陶舍國東郡之黎召奴國清室中同國須昌趙衍國樂昌

王武陽平呂青禁義王禁國陳畱之外黃淮陽憲王孫圍國潁川之襄城韓嬰

國呂義舞陽樊噲國潁陰灌嬰國僑陵朱濞國汝南之陽安丁明國吳房

楊武汝陰夏侯嬰國期思賁赫國慎陽樂說國定陵涪于長國南陽之杜衍

國王翥涅陽呂騰國山都王恬國棘陽杜得臣國葉長沙定王子喜國南郡之邵

黃極忠國江夏之軼黎朱安陸楚思王九江之束城淮南厲王阜

陵淮南厲王山陽之瑕邱魯共王濟陰之宛胸楚元王成陽

楚思王金日磾商乘氏梁孝王沛郡之芒彭城父尹恢

溧陽梁敬王東鄉梁敬王臨都梁敬王魏郡之梁期任破

武始趙敬肅王陰安濟北貞王武安田蚡及楚思鉅鹿之南

緜趙敬肅王廣阿任敖宋子許爽貫梁敬王堂陽孫赤常山

之部趙敬肅王清河之轅江喜棗疆廣川惠王涿郡之迺陸

故安申屠范陽范代容城徐盧易趙敬肅王鄭高郭侯後

安平鄂秋中水呂馬勃海之陽信呂青劉重合莽通南皮彭

祖章武竇廣中邑朱進平原之祝阿高色枋齊悼惠王子辟

子讓千乘之樂安東平思王高昌董忠高宛丙猜延鄉李譚

濟南之梁鄒

武虎國

泰山之柴

齊孝王子代國

蓋

王信及河間獻王子讓國

乘邱

靖王子

富陽

六安夷王子陽及東平思王子萌國

式

城陽荒王子憲國

齊郡之廣

河間獻王

子順及菑川

廣饒

菑川靖王子國

臨胸

菑川懿王子奴國

臺鄉

菑川孝王子

北海之營陵

劉澤國

都昌

朱眈國

東萊之平度

菑川懿王子行國

曲成

及中山靖王子萬歲國

牟平

齊孝王子葉國

東牟

齊悼惠王子興居國

陽石

膠東頃王子度國

徐

鄉膠東共王子焮國

琅邪之東武

郭蒙國

宋虛

城陽景王子章初封國

東莞

城陽共王子吉

昌城陽頃王子差國

東海之蘭陵

廣陵孝王子宜國

戚

季必國

費臨淮

之盱台

江都易王子蒙之國

射陽

劉纏國

淮陵

江都易王子定國

下相

洽耳國

于定

堂邑

陳嬰國

會稽之陽羨

靈常國

無錫

多軍國

丹陽之秣陵

江都

易王子

句容

長沙定王子黨國

丹陽

江都易王子敢國

胡孰

江都易王子胥行國

豫章

之建成

長沙定王子拾國

海昏

昌邑王賀降封邑

桂陽之便

吳茂國

武陵之沅

陵吳陽國義陵吳郢國零陵之夫夷長沙定王洮陽長沙定王廣

漢之汴邠雍齒國犍爲之江陽蘇息國南安宣虎國西河之皋狼代共

王子代共蘭代共千章代共離石代共隰成代共土

軍代共代郡之廣昌河開孝王遼西之海陽搖毋餘國肥如

蔡寅廣平國之張毛釋之及趙任張越曲周鄭商南曲清河

子遷平千頃王平鄉平千頃王中山之北平張蒼深澤

趙將安國王陵及趙共曲逆陳平安險中山靖王信都之扶

柳呂平辟陽審食南宮張買廣川中山靖王桃廣川膠東之壯

修周亞河閼之弓高韓隲廣陵之方城廣陽膠東之壯

武宋昌城陽之陽都丁復淮陽之陽夏陳稀東平之樊蔡兼

楚國之畱張良武原衛肱廣陵國之廣陵城陽共王六安之

蓼

孔聚

長沙之承陽

長沙定王子景國

昭陵

長沙刺王子賞國

茶陵

長沙定王子訢

國

容陵

長沙定王子福國

藝文志

論語齊二十二篇注云多問王知道如淳曰多問王知道皆篇名案文衍一多字

高五王傳

齊哀王襄孝惠六年嗣立案文六當爲七史記哀王元年惠帝崩諸侯王表孝惠七年哀王襄嗣

陳平傳

惠帝六年相國曹參薨平爲左丞相案紀參實以五年八月薨此傳冒下爲文耳

周昌傳

沛公以周苛爲客從入關沛公爲漢王苛爲御史大夫案百官志表苛曾爲內史傳失之

張歐傳

元朔中代韓安國爲御史大夫案公卿表事在元光四年九月傳誤 又景五年歐爲奉常武建元元年爲中尉傳失之

灌夫傳

元光四年春田蚡言灌夫橫請案之夏蚡取夫人列侯往賀夫罵坐云云五年十月悉論灌夫實嬰死十二月晦棄市案武紀嬰以元光四年冬棄市三月蚡薨百官表蚡薨亦在四年三月然則此傳四年當爲三年五年當爲四年

李息傳

百官表元朔三年下中尉李息案息傳失之

董仲舒傳

太平御覽文部十七引漢書曰董仲舒作曲臺后蒼之書禮射之書今書本傳無 又學部五引漢書曰董仲舒學十年不窺園圃乘馬三年不知牝牡今書作三年不窺園無乘馬句

公孫宏傳

太平御覽文部十七引漢書曰公孫宏著公孫子言刑名謂字直百金也今漢書宏傳無此藝文志但云公孫宏十篇入儒家者流

王商傳

商涿郡蠡吾人案外戚傳宣帝求得外祖母王媪媪言家本涿郡蠡吾平鄉嫁爲廣望王迺始婦產子男無故武然則商爲武子乃廣望人非蠡吾也

趙禹傳

百官表元光六年中大夫趙禹爲中尉案禹傳失之

王莽傳

地皇四年三月辛巳朔劉聖公爲帝改元爲更始元年案文三當爲二後漢光武紀辛巳在二月下有三月也

喋血而進案通鑑喋作蹀注師古曰蹀音大類翻謂履涉之也

三輔點共殺其主案通鑑引此三輔下有兒大二字文意乃足

益陽蔡芳初校

宿松羅忠濟覆校

順德李肇沅再覆校

讀史舉正卷一

讀史舉正卷二

仁和張燿曦亮撰

後漢書

光武帝紀

舂陵注故城今在隨州棗陽縣案文今在當爲在今

鬱林注今郴州縣案唐志止有鬱林州鬱林郡及鬱平縣郴州所隸無鬱林

地皇三年注天鳳六年改爲地皇案文六當爲七前書王莽傳天鳳六年明年改元地皇

伯升招新市平林兵注新市縣屬江夏郡案續漢志江夏有南新市縣以別於中山國之新市也漢兵起時未爲縣

更始元年正月甲子朔案下文二月有辛巳則正月朔日非
甲子前書王莽傳三月辛巳朔十月戊申朔皆誤以范書隗
囂傳七月己酉朔推之通鑑書二月辛巳朔六月己卯朔九
月戊申朔是也

納言注引前書非本文書下常有音義二字

涑陽注縣屬南郡案文南下當有陽字

太常注應劭曰欲令國家盛大社稷常存案前書顏師古注
太常王者旌旗禮官主奉持之故曰奉常後改太常尊大之
義也劭此說謬

三月狗昆陽定陵鄗皆下之案前書莽傳在是年四月 又
注昆陽故城在今許州葉縣北案通鑑注引此注北下有二

十五里四字

五月自昆陽與李軼等十三騎出收兵六月破王尋王邑會伯升爲更始所害光武自父城詣宛謝然則伯升見殺時李軼尙在光武軍中而宗室四王傳軼乃與朱鮪勸更始害伯升事亦互異

鉦鼓之聲聞數百里當從袁紀作數十

九月庚戌三輔豪傑共誅王莽案前書莽傳事在十月且明曰十月戊申朔三日庚戌也又豪傑注云賢萬人曰傑於文賢下少過字

司隸校尉注引前書秩比二千石案前書作二千石比二千石則後漢制也

佐史注縣各置諸事曹史案百官志作諸曹掾史此事字誤
趙繆王子林案前書景十三王傳武帝立趙敬肅王小子偃
爲平干王十一年薨子繆王元嗣諸侯王表繆王元五鳳二
年薨然則趙無繆王乃平干繆王也而自元之薨推至更始
元年已七十九年安得尙有子存乎 又注云繆王景帝七
代孫九誤王固景帝曾孫也

二年北狗薊注屬涿郡案前書地理志薊屬廣陽國郡國志
屬廣陽郡皆無屬涿郡之文

饒陽注屬安平國案饒陽此年尙屬涿郡安平尙名信都

王莽和戎卒正邳彤當從彤傳戎作成

赤眉別帥與大彤青犢十餘萬眾在射犬案耿純傳尙有上

江鐵脛五幡

光武北擊九來大搶五幡於元氏追至右北平連破之案馮異傳破鐵脛於北平

建武元年遣耿弇等十二將軍追戰於路東案弇傳二當爲

三

到南平棘案前書志及續漢志皆無南字

三年三月彭寵陷薊城十二月涿郡太守張豐反案朱浮傳豐反在寵未陷薊之前紀誤

十九年注漢官儀云光武於成帝爲兄弟於哀帝爲諸父於平帝爲祖父然則宣帝爲曾祖案哀平皆元帝庶孫於光武皆從子也不得言祖父元帝於光武爲諸父則宣帝乃從祖

耳亦不得言曾祖也

二十三年九月陳畱太守玉況爲大司徒二十七年四月大司徒玉況薨而謝承書曰況爲陳畱太守永平十五年蝗蟲起泰山過陳畱界不集章和元年詔以況爲司徒其書年之誤甚矣

謝書見虞延傳注延傳與本紀合案延爲明帝初太尉況爲陳畱太守嘗辟之則况非章和中司徒可見矣

章帝紀

建初四年是歲甘露降泉陵洮陽二縣五年八黃龍見於泉陵案論衡恢國篇云建初四年甘露降五縣六年黃龍見凡

八

章和二年帝崩年三十三案文三當爲二帝卽位時年十九

次年改元建初至此凡十三年時帝年三十二

順帝紀

永和四年封故濟北惠王壽子安爲濟北王案惠王傳作安國

建康元年揚徐盜寇城邑遣御史中丞馮赦討之案赦當作緄緄本傳拜御史中丞順帝末督揚州諸郡軍事擊破羣賊桓帝紀

本初元年閏月庚寅卽帝位案此閏六月也 又太后猶臨朝政案文當云臨朝聽政

延熹三年十二月武陵蠻寇江陵車騎將軍馮緄討皆降散荆州刺史度尚討長沙蠻平之案緄傳長沙蠻屯聚積久至

延熹五年零陵武陵蠻賊悉反於是拜緄爲車騎將軍討之
尙傳延熹五年長沙零陵賊眾漸盛荊州刺史劉度擊之軍
敗詔舉代度者朱穆舉尙擢爲荊州刺史進擊大破之然則
緄尙出師竝在五年此三年冬緄未爲車騎將軍尙亦未爲
荊州刺史也此紀於五年冬又云以馮緄爲車騎將軍討之
可徵前文之誤矣

靈帝紀

光和元年袁滂爲司徒注滂字公喜案袁宏漢紀作公熙

中平五年益州黃巾馬相攻殺刺史郗儉案郗當爲卻乃卻
正祖也見蜀志劉焉傳注

六年帝崩年三十四案文四當爲三帝卽位年十二是年改

元建寧至此凡二十二年時帝年三十三

章德竇皇后紀

竇勳尚東海恭王疆女泚陽公主后其長女也案公主為帝從姊后乃帝甥今以為配不異惠帝之於張后矣

五行志

世祖自河北興案光武紀注續漢志曰光武由河北而興是得之也此脫是得之也四字

郡國志

潁川郡輪氏建初四年置案前書地理志潁川已有此縣但輪作綸耳

常山國有都鄉縣又汝南郡西平縣有都鄉安帝時鄧訓子

宏爲西平侯宏卒子廣德嗣分西平之都鄉封廣德弟甫德
爲都鄉侯見訓傳 又欒城縣注在縣西北四十里案此句
當在上平棘縣有塞句下誤入此

中山國蠡吾下云侯國故屬涿案蠡吾之爲國自河閒孝王
開子翼始永建五年開上書願分蠡吾以封翼帝從之翼卒
子志嗣是爲桓帝建和二年更封帝兄碩爲平原王以涿郡
之良鄉故安河閒之蠡吾爲湯沐邑然則蠡吾故屬涿而後
入河閒志入中山未知何所準

河閒郡注世祖省屬信都永元三年復故案文三當爲二和
帝永元二年五月分樂成涿郡勃海爲河閒國封弟開爲河
閒王紀傳開傳至裔孫陔魏受禪國除則河閒仍當稱國不
並同

爲郡也

泰山郡有華平陽二縣志失載案三國志魏武本紀初平四年陶謙取泰山華費又本紀注世語云太祖父嵩辟難在泰

山華縣又三國志鮑勛傳助泰山平陽人

平陽前書地理志作東平陽

山陽郡昌邑注左傳莊三十二年遇於梁邱案文遇上少宋齊二字 又高平注左傳隱九年費伯城郎杜預曰縣東南有郁郎亭案今傳無費伯二字及杜注 又方與武唐亭注左傳桓二年盟於唐杜預曰在西南案杜此注在隱二年盟唐之下云高平方與縣有武唐亭此云在西南誤

濟南郡臺卽前漢平臺鄒平卽前漢鄒縣東朝陽卽前漢朝陽以南陽郡有朝陽故此加東

平原郡濕陰案濕音習即前漢濕陰春秋齊之犁邱也

南陽郡上唐鄉注下江兵荊州軍案文兵下少破字

漢陽郡獬道注史記秦孝公西斬戎王當云戎之獬王 又

羌道下失注故屬隴西四字

朔方郡以西河郡大城縣來屬省前漢脩都臨河呼道麻渾

渠搜五縣志失載

遼西郡省前漢且慮新安平柳城狐蘇文成案六縣志闕

志失書侯國潁川之潁陽父城梁不疑為潁陽侯見梁冀傳朱浮

封父城侯見浮傳汝南之西平吳房梁蒙為西平侯見梁冀傳陰識

孫綱封吳房侯見識傳陳畱郡之襄邑梁冀子允封襄邑侯見冀傳

傳東郡之燕及臨邑樊脩封燕侯見脩傳北海王興子復為臨

邑侯

見宗室四王傳

東平國之壽張樊宏封壽張侯

見宏傳

廣陵郡之

射陽樊宏弟丹爲射陽侯

見宏傳

下邳國之高山梁統封高山

侯

見統傳

百官志

尚書成帝初置四人案漢官儀尚書乃武帝置成帝加一人爲五此云成帝誤

劉元傳

王匡等數月闕人七八千人案文上人當作至

轉擊安陸注安陸郡屬江夏郡案文上郡當作縣王匡張卬

等號新市兵而王常傳卬乃與成丹等爲下江兵

李軼爲舞陽王案李通及耿純傳作舞陰爲是

陰平王注陰平縣屬廣漢國案文國當爲郡

封灌澤侯案文灌當爲濩

王昌傳

攻柏人不下乃引兵東北圍鉅鹿案柏人卽今順德府唐山縣鉅鹿在其東南傳云東北誤

盧芳傳

芳安定三水人也居左谷中注續漢志曰三水縣有左右谷案郡國志無右字疑衍

隗囂傳

民坐挾銅炭沒入鍾官注人犯鑄錢傳詣鍾官八十萬數案莽傳八作以

齊武王縯傳

留輜重於藍鄉注比陽縣有藍鄉案郡國志棘陽有藍鄉此云比陽當是章懷据唐縣言之下宜秋鞞注亦同

嚴尤陳茂引欲據宛案文引下少兵字

宗人劉稷擊魯陽注魯陽屬南郡案文南下脫陽字

城陽恭王祉傳

封於零道之春陵鄉案文零當爲泠

族兄安眾侯劉崇案安眾康侯丹與春陵節侯買皆長沙定王子崇爲丹元孫之子祉爲買元孫則崇乃其從子也

不得官爲吏案文官字衍

王常傳

常引軍北至宜秋注續漢志曰南郡有宜秋聚案今范書郡國志卽續漢志也志云南陽郡平氏縣有宜秋聚此注當由失陽字耳

此所以祐吾屬也案文此下失天字

常別徇汝南沛郡還入昆陽與光武破王尋王邑案漢兵初起時劉望略有汝南又其時方徇下潁川諸邑亦未得遠至沛郡也

鄧晨傳

往時會苑獨當應耶案文會宛下當有語字袁紀宛下言倘能應耶

鄧禹傳

追賊至滿陽

陳俊傳作清陽

案滿當爲蒲蒲陽山蒲水所出在中山

曲遂縣章帝改縣曰蒲陰是也見地理志注

封爲鄼侯注鄼縣今屬南陽郡案文多今字注所云今皆唐

也唐書地理志南陽無鄼縣

鄼訓傳

永平中理虔沱石臼河案理本爲治唐避高宗諱改 又注

石臼河解見明紀案明紀無見章紀

迷唐伯父號迷吾案上云迷吾子迷唐又西羌傳迷唐乃迷
吾之子迷吾有弟號吾降訓据此當爲號吾迷字衍但伯父
與弟不相應耳

鄼騭傳

元初四年封京子珍爲陽安侯案鄧禹子珍爲夷安侯京子
乃其從孫不應犯其名疑誤

徙封隲爲羅侯注羅縣屬長沙國案郡國志長沙爲郡

禹曾孫香子女爲桓帝后案皇后紀后乃香女此文子字衍
寇恂傳

復封損庶兄壽爲浞侯注浞縣屬沛郡案志沛爲國

岑彭傳

彭降更始封歸德侯注歸德縣名屬北地郡案此特以其歸
命而封以空名耳非必有食邑也郡國志北地郡無歸德縣
賈復傳

不能相施案通鑑作必能相用爲是

陳俊傳

以宗室劉嘉爲太常將軍案宗室四王傳及劉元傳俱作大將軍太常將軍乃劉祉也

耿弇傳

會王郎詐稱成帝子與案子下尙少一子字

畱署門下吏案吏當爲史

姚期傳

援兵二千人案文援當作援

攻拔樂陽橐肥鬪案橐下少城字

王霸傳

光武過潁陽霸遂從破王尋王邑案本紀破尋邑後乃徇下

穎陽傳非是

光武南馳至下曲陽及至虜沱河案本紀下曲陽在度虜沱之後

任光傳

刁子都起兵鄉里案前書王莽傳及姓譜刁俱作力起兵莽傳在天鳳五年

李忠傳

忠字仲都案袁紀字仲卿

父爲高密都尉注郡國志高密侯案文侯下少國字

劉植傳

植鉅鹿昌成人也案植前漢末人前書地理志昌成屬信都

耿純傳

奉迎於育注育縣名案前書地理志河北諸郡無育縣疑是地名

王梁傳

梁漁陽安陽人案前書地理志五原郡有西安陽代郡有東安陽漁陽無此縣當是要陽之誤

建武二年以中郎將北守箕關案水經注引此箕關下尙有天井關也

堅鐔傳

或薦鐔者因得召見以其更能案文鐔下多者字其下少有字

馬武傳

武往從之從入緣林中案文重一從字

與尚書令謝躬共攻王郎案光武紀作尚書僕射

馬援傳

建武十七年拜援伏波將軍南擊交趾十八年春軍至浪泊
上與賊戰破之追至禁谿賊散走明年正月斬徵側徵貳傳
首洛陽紀十八年夏四月遣伏波將軍馬援擊交趾賊十九
年夏四月馬援破交趾斬徵側等傳紀歲月互異袁宏後漢
紀遣擊歲月與范書紀同

鄧暉傳

暉爲上東城門侯帝出獵夜還暉不內帝迴從東中門

百官志作

中東門入謝承書何湯守開陽門候帝微行夜還湯不內更從

中東門入二書不同疑當爲一事傳聞異辭耳

楊厚傳

永初二年太白入北斗案天文志事在三年

蘇章傳

祖父純爲奉車都尉竇固軍出擊匈奴有功案文都尉下少

從字

章爲武原令注云武原縣屬楚國案郡國志楚國章帝改彭城國章爲令在安帝時不當仍云楚國也

羊續傳

續泰山平陽人案地理志泰山郡有東平陽郡國志無是漢

末已省此縣又晉書羊祜傳及景獻羊后傳竝云泰山南城人南城之屬泰山郡見郡國志則平陽當爲南城

賈琮傳

舉孝廉再遷爲京兆令案京兆非縣此云令誤

陸康傳

少子績博學善政見稱當時下又云有名稱複矣

樊宏傳

十三年封弟丹爲射陽侯注引水經注凡射字皆當作謝

陰識傳

別降胡陽案文胡當爲湖

馮魴傳

老親弱弟皆賊城中案皆下文有脫

魴孫石與太尉劉喜錄尚書事案本紀喜作熹

安帝拜石子世爲黃門侍郎世第二人皆郎中石卒子代嗣
代卒弟承嗣劉邠刊誤曰世本名代後人見其名疑以爲避
太宗諱所改遂還作世而忘其後尚作代也所以知世卽代
者長子自然嗣立也案章懷注范書多不諱世字卽此文上
云石能取悅當世可證竊謂代及承卽所謂世第二人也嗣
立固必長子然安知世不先父卒乎

鄭宏傳

宏爲太尉在位四年案本紀元和元年八月宏爲太尉三年
四月免不得云四年也

梁統傳

統封成義侯案成義當爲義成義成世祖時屬沛後屬九江郡他郡無此名

統今所定不宜開可案晉書刑法志作不可開許爲是

梁冀傳

多從娼妓案劉攽曰妓當作婦劉說未是

曹褒傳

元和二年上疏請定漢禮明年下詔曰朕以不德膺祖宗宏烈乃者鸞鳳仍集麟龍竝臻甘露宵降嘉穀滋生赤草之類紀於史官朕夙夜祇畏無以彰於先功案章帝紀元和四年改元章和詔仍用此文不嫌雷同耶

拜褒侍中從駕南巡案本紀元和三年北巡狩此傳所言正
三年事不得云南巡也

鄭眾傳

作春秋剛十九篇案公羊疏云眾作春秋長義十九條疑卽
此

賈逵傳

臣謹摛出左氏三十事九著明者案公羊疏云逵作長義四
十一條

桓榮傳

揚州從事皋宏注謝承書曰皋宏吳郡人案吳郡順帝置榮
時乃會稽郡耳郡當爲縣

樂羊食子西巴放廢注竝解見吳漢傳案今本漢傳無此

桓典傳

國相王吉被誅典棄官收斂歸葬服喪三年案本傳典於吉非師生及舉將於義不當有此或緣他故史失之矣

丁鴻傳

父緜徙封陵陽侯案文當有鄉字緜求封鄉亭初封新安鄉後子鴻又徙封魯陽鄉再徙馬亭鄉明陵陽亦爲鄉也

法雄傳

永初四年徵雄爲青州刺史在州四年遷南郡太守在郡數歲初平中卒官案永初至初平幾八十年雄安得尙在必爲元初字之誤耳

劉平傳

平楚郡彭城人案後漢楚夫嘗爲郡郡字當作國

趙孝傳

梁郡車成案郡當作國

劉愷傳

太尉馬英策罷案安帝紀建光元年七月太尉馬英薨非策

免也

朱穆傳

追贈益州太守案文選廣絕交論注贈益州刺史此云太守

誤也

袁安傳

言身卷二
拜楚郡太守案前漢時楚本國未嘗爲郡安於是時治楚王
英獄偶改爲郡耳

千乘正王伉傳

伉孫鴻改封勃海薨無子梁太后立蠡吾侯惲奉鴻祀注惲
河閔王開孫也案伉與開竝章帝子是以從兄弟爲後也

清河孝王慶傳

王女十一人安帝封侍男爲涅陽長公主別得爲舞陰長公
主久長爲濮陽長公主直得爲平氏長公主餘竝早卒案班
超傳超孫始尙清河孝王女陰城公主此在涅陽四主之外
順帝時尙存不得云竝早卒也或疑陰城爲舞陰之誤然舞
陰乃鄧禹元孫褒所尙見禹傳

濟北惠王壽傳

永和四年立戰鄉侯安國爲濟北王立十年薨案文當爲七
質帝紀永嘉元年四月濟北王安薨距永和四年止七年耳
左雄傳

雄南郡涅陽人案文郡當爲陽

陽嘉元年詔試明經者補弟子案順帝紀明經下有下第二
字

諸王國郎者百三十八人案者字衍

雄上言孝廉年不滿四十不得察舉自是迄於永嘉察選清
平案漢時無永嘉年號意當爲嘉字之誤

周舉傳

延熹四年辟司徒李邵府案邵爲司徒在延光四年四月熹
爲光之誤

黃尙字河伯河南郡人案順紀注尙字伯河南郡人此河
字衍又伯河之河疑當爲和

荀淑傳

再遷當塗長注當塗故城在今宣州案漢之當塗故城在今
懷遠縣東七里在唐爲鍾離縣地去宣州遠甚其在宣州者
當是江左僑立淮南郡及當塗縣耳注誤

竇武傳

封槐里侯五千戶案文五上當有邑字

何進傳

中平五年置西園八校尉以小黃門蹇碩爲上軍校尉虎賁
中郎將袁紹爲中軍校尉屯騎都尉鮑鴻爲下軍校尉議郎
曹操爲典軍校尉趙融爲助軍校尉淳于瓊爲佐軍校尉又
有左右校尉案袁紹傳注山陽公載記上四校尉同下云趙
融爲助軍左校尉馮芳爲助軍右校尉諫議大夫夏牟爲左
校尉淳于夔爲右校尉與此傳互異 又紹傳以紹爲佐軍
校尉與此傳及載記異三國志紹傳作中軍校尉與此傳同

袁紹傳

父成五官中郎將紹壯健好交結大將軍梁冀以下莫不善
之案三國志注英雄記曰袁成壯健有部分自梁冀以下皆
與結好攷冀傳以延熹二年被誅而紹於靈帝末始爲司隸

上距冀在時已三十年紹公卿子弟不應晚達以年校之紹不及交冀理當爲成記言是也且范書全用記語於郎將下誤增紹字耳 又華嶠書成左中郎將

輜駟柴穀案廣絕交論李善注作輜駟比穀

劉焉傳

龍撫納離叛務存寬惠而陰圖異計案撫納三語當屬焉以云龍之所爲則無謂矣蜀志無龍字

屯兵胸臆備表注屬蜀郡案兩漢胸忍竝屬巴郡非蜀郡也

呂布傳

從張楊於河內諸將皆欲圖之布懼走投袁紹破燕軍後將士暴橫紹患之布不自安求還洛陽紹遣壯士送布陰使殺

之布潛遁遂歸張楊案三國志呂布傳術既拒布布卽北詣
袁紹去紹乃走河內此傳從楊在投紹前然既云楊將皆欲
圖之布走則下文去紹之後不當又云遂歸張楊也尋前後
事迹當以志爲正

曹騰傳

潁川堂谿趙典等案續漢書作堂谿典爲是此誤衍趙字

雷義傳

義字仲公案文選廣絕交論注作字仲預

益陽蔡芳初校

宿松羅忠濟覆校

順德李肇沅再覆校

讀史舉正卷三

仁和張燭曦亮撰

三國志

武帝紀

曹騰封費亭侯注續漢書曰益州刺史种屬於函谷關搜得
其牋案後漢書曹騰傳作斜谷關爲是函谷非益州至長安
道也

非命世之才不能濟也注孫盛異同雜語云許子將曰子治
世之能臣亂世之奸雄案范書許劭傳曰君清平之奸賊亂
世之英雄

冀州牧韓馥注英雄記曰治中從事劉子惠案范書袁紹傳

作劉惠

冀豫兗刺史及河內勃海陳畱東郡山陽太守濟北相同時
俱起兵案范書袁紹傳尙有廣陵太守張超

建安二十年省雲中定襄五原朔方郡合以爲新興郡案晉
書地理志省定襄雲中五原朔方上郡等五郡立新興郡

明帝紀

司馬宣王率眾討遼東注干竇晉紀曰必先拒遼水後守也
案通鑑守下當有襄平二字

三少帝紀

嘉平元年正月丁未以司馬宣王爲丞相固讓乃止案晉書
宣帝紀在二月

三年秋七月戊寅司馬宣王薨案晉書宣帝紀戊寅在八月
正元二年正月乙丑毋邱儉文欽反戊戌司馬景王征之癸
未郭淮薨案上書乙丑下書癸未則中不當有戊戌也晉書
作戊午通鑑從之然則乙丑誤耳

甘露元年八月庚午司馬文王加號大都督案晉書文帝紀
作八月庚申

景元五年乙卯以鄧艾爲太尉鍾會爲司徒案五年卽咸熙
元年也鄧艾鍾會傳及晉書文帝紀皆在四年十二月況乙
卯在壬子癸丑之下此文不書月明當屬上段五年二字誤
也

咸熙元年正月壬辰檻車徵鄧艾案壬辰當爲壬戌以下有

甲子壬申日也據鍾會傳正月十五日至成都通鑑作丙子則壬戌乃此月朔日

二年四月吳遣使紀陟宏璆請和案吳志及通鑑俱在是年三月惟晉書文帝紀書夏四月紀陟來聘

九月乙未大赦乙亥葬晉文王案乙未至乙亥相距四十一日不應竝在一月此必有誤通鑑從之亦非以晉泰始二年七月丙午晦逆推之則咸熙二年九月當無乙未也

袁紹傳

四世居三公位注華嶠漢書曰京子陽太尉案范書袁安傳京子彭彭弟湯累遷司徒太尉

紹彰宦者所署司隸校尉許相案范書何進傳相乃宦者所

署河南尹其司隸校尉則故太尉樊陵也

侍中周昱案范書紹傳作侍中周秘

曹真傳

封真弟彬爲列侯案下爽傳注引列女傳云爽從弟文叔文叔疑是彬字文義與彬合然則此云真弟弟下宜有子字

荀彧傳

號曰八龍注張璠漢紀曰儉緝靖燾詵爽肅專案後漢書荀淑傳詵作汪

袁煥傳

煥陳郡扶樂人案郡國志郡當作國乃淮陽國所改梁習傳習陳郡柘人亦當作陳國

鄭渾傳

渾高祖父眾爲名儒兄泰爲揚州刺史案後漢書鄭泰傳泰
司農眾之曾孫志言渾於泰爲兄弟則眾當爲渾曾祖父也
陳羣傳

比漢文景之時不過一大郡注漢書地理志云元始二年天
下戶口最盛汝南郡爲大郡有三十餘萬戶案今本漢書地
理志無此數語汝南郡下但云戶四十六萬一千五百八十
七

鍾會傳

全琮子懌孫靜從子端翽諱等案晉書文帝紀全端兄子禕
及儀然則懌與端翽諱皆從兄弟也此云從子蓋就琮而言

通鑑誤以端爲懌之兄子緣止據此傳未參攷晉書耳

管輅傳

王經使輅卜注輅別傳曰彥緯斂手謝輅案彥緯蓋經字也
過毋邱儉墓下案文墓上當有祖字

劉焉傳

并州殺刺史張益梁州殺刺史耿鄙案范書靈帝紀張益作
張懿梁州作涼州

扶亦求爲蜀郡西部屬國都尉及太倉令會巴西趙躡棄官
俱隨焉案會字衍與上文不接通鑑作太倉令趙躡

涼州逆賊馬相趙祇等於綿竹縣自號黃巾案范書靈帝紀
作益州黃巾馬相爲是涼州則去綿竹遠矣

殺州中豪強王咸李權等案范書焉傳注引此咸作威 又
注益部耆舊雜記曰李權子福見楊戲輔臣贊案蜀志楊戲
傳所贊有李孫德卽福也

焉及範與騰通謀案騰與範謀誅李儻耳何得云及

劉璋傳

兄瑁平寇將軍案上焉傳言小子瑁則非璋兄矣此誤

焉璋傳評注未有鄉亭之爵案先主傳中山靖王子貞元狩
六年封陸城亭侯則武帝時有亭侯矣

吳主權傳

黃武元年正月陸遜等攻蜀軍自正月至閏月大破之案蜀

書先主傳章武二年卽黃武元年夏六月陸議卽遜大破先主軍於

獠亭則非閏月也

孫皓傳

不白妖言注疇之事明府何憂案通鑑作疇在明府何憂爲明

周瑜傳

瑜從祖父景注張璠漢紀曰景父榮爲尙書令案後漢書周榮傳榮子興與子景興爲尙書郎事具榮傳中景別有傳據此則榮當爲景祖父也

呂蒙傳

蒙汝南富陂人案富陂兩漢志俱作富波

孫奮傳

言身是正者三
建衡二年訛言奮與上虞侯奉當有立者案孫皓傳會稽妖
言奮當爲天子在鳳凰三年此言建衡疑誤

孫皓左夫人王氏卒案江表傳皓以張布女爲左夫人及死
皓哀愍思念半年不出國人皆謂皓已死然則左夫人非王
氏也通鑑從此非是

樓元傳

遂用元爲宮下鎮禁中侯案通鑑無禁中侯三字

晉書

宣帝紀

建安六年郡舉上計掾魏武帝爲司空聞而辟之案文六當
爲元三國志武紀建安元年十月拜司空

從討張魯從討孫權下云魏國既建遷太子中庶子案操建魏國在建安十八年征魯在二十年征吳在二十一年此文前後乖錯

魏武以荊州遺黎及屯田在潁川者逼近南寇案南寇謂吳潁川未爲逼近通鑑作漢川是也

諸葛亮圍賈嗣魏平於祁山案漢晉春秋云賈栩魏平數請戰通鑑則嗣當爲栩

李勝候帝帝曰年老枕疾案魏末傳作沈疾爲是

桓範赴曹爽蔣濟言於帝曰智囊往矣帝曰鴛馬戀短豆云云案魏志爽傳注引于寶紀智囊一語屬帝鴛馬一語屬濟此紀異者當由晉史臣易之凡有謀識歸美於帝耳

改謚文宣案文帝紀作宣文

魏志及宋書禮志皆同

景帝紀

齊王廢舍河內之重門案魏志營齊王宮於河內重門制度如藩國之禮通鑑亦以河內爲句然則重門非地名也

正元二年正月母邱儉文欽舉兵反二月渡淮戊午帝征之倍道兼行甲申次懸橋旣而儉欽敗閏月辛亥帝崩案魏志儉欽反在正月乙丑戊午在乙丑前七日又距甲申二十六日洛陽去淮南不遠且云倍道安得許久疑戊午當爲戊寅

志作戊戌亦非又志閏正月儉欽敗帝崩皆在是月此紀作閏二月

未知孰是

通鑑不書乙丑而甲申屬閏正月當以長祿推而知之

文帝紀

甘露元年正月加大都督六月加九錫假斧鉞進號大都督
八月庚申加假黃鉞案魏志錫衮冕赤舄在四月餘竝在八
月又庚申作庚午此紀都督假鉞之文疊出有誤

二年五月辛未諸葛誕反帝征之七月次於項案魏志反在
乙亥次項在六月

全靜兄弟五人來降案魏志鍾會傳全琮子懌孫靜從子端
翮詣等來救誕此紀所云五人是也然懌係琮子端翮詣係
琮從子懌端翮詣四人爲兄弟靜乃琮之孫不得概云兄弟
也

景元元年五月庚寅誅成濟案魏志在戊申

諸葛誕破全琮稽服案助誕乃全端等時琮亡久矣

司空鄭沖勸進案魏志沖時已爲司徒

咸熙元年七月建五等爵案魏志在五月

二年九月癸酉葬文王案志在乙亥通鑑從之

武帝紀

泰始二年二月丁丑郊祀案下文有庚午此疑爲乙丑然本書禮志亦作丁丑則是庚午有誤

五月戊辰壬子案下七月丙午晦則五月無戊辰壬子日矣又戊辰下距壬子四十五日何得竝在一月

三年正月癸丑丁卯案上二年十月丙子朔則此二日當在

二月通鑑丁卯入正月亦非下四年六月朔亦不應甲申

四年十月吳將顧容寇鬱林太守毛炅破之斬其交州刺史

劉俊將軍脩則案陶璜傳交趾太守楊稷與將軍毛炅等出
交趾破吳軍於古城斬脩則劉俊通鑑亦云劉俊脩則顧容
三攻交趾稷拒破之鬱林九真皆附於稷稷遣毛炅董元攻
合浦戰於一城殺脩則稷表炅爲鬱林太守元爲九真太守
然則脩則死於合浦非鬱林容之攻鬱林非此時毛炅時亦
未爲太守也

五年二月辛巳壬寅丁亥己未案辛巳距己未三十九日壬
寅不得在丁亥上又下五月辛卯朔則壬寅己未皆當在
三月

七年六月伊洛河溢案五行志作河洛伊沁皆溢又是月丙
申地震紀闕

十月丁丑日有食之案天文志丁丑朔紀失書

八年夏五月旱蜀地雨白毛

見五行志紀闕

九年二月立安平亭侯隆爲安平王案宗室傳作平陽亭侯
爲是

四月辛未隕霜

見五行志紀失書

五月旱案五行志自正月旱至於六月癸未始雨紀失書

十年正月乙未日食四月旱紀失書

立太原王子緝爲高陽王案此太原王輔也時尙爲渤海王

咸寧三年始徙太原

咸寧元年二月辛酉案上正月戊午朔則二月無辛酉

二年六月癸丑甲戌案上年七月甲申晦下年正月丙子朔

則此年六月無癸丑甲戌況下七月又書癸丑乎此二日當在五月

三年八月大風拔樹案五行志此河閼事

十二月孫慎入江夏汝南案吳志在是年夏

四年三月辛酉案上正月庚午朔則三月不得有辛酉

六月陰平廣武地震案晉志無廣武縣而陰平郡有陰平平廣二縣疑爲平廣之誤

荆揚郡國大水案五行志當有司冀兗豫四字

杜預都督荊州誤書羊祜卒上

五年四月丁亥郡國八雨雹傷秋稼案五行志丁亥在五月而各郡國雨雹亦不在一月

太康元年三月壬申乙酉案上正月己丑朔則是月不得有此二日

六月丁丑案上五月有庚辰此書丁丑誤

二年二月辛酉濟南琅邪隕霜傷麥壬申琅邪雨雹傷麥三月甲午河東隕霜害桑五月郡國十五雨雹傷禾稼濟南暴

風折木六月高平大風壞邸閣四十餘區紀竝闕

竝見五行志

十月鮮卑慕容廆寇昌黎案通鑑攷燕書作慕容涉歸

三年閏四月丙子癸丑案丙子距癸丑三十八日不得竝在一月

四年正月書甲申戊午案甲申與戊午相距三十五日且上三年十二月己書甲申丙申等日而是年下三月又書辛丑

朔則是月有戊午不當有甲申也

三月戊申有星孛于西南紀闕

見天文志

五年五月丁巳隕石于溫及河陽各二紀失書

見五行志

十二月庚午案下六年正月書庚申朔相距五十日庚午字

疑誤

六年正月隕石于溫三 六月滎陽汲郡雁門兩雹紀並失

書

並見五行志

八年三月熒惑守心九月有星孛于南斗紀闕

九年十二月立河閼平王洪子英爲章武王案洪傳英作濕
十年十二月庚寅壬戌案庚寅距壬戌三十日不得在一
月且下太熙元年正月書辛酉朔則庚寅當在上年十一月

而書壬戌于辛酉前尤倒置也

太熙元年司徒魏舒薨史失之

惠帝紀

永平元年案是年正月改永熙爲永平三月又改元康此文宜從後稱元康元年不應仍前稱永平又下文三月壬辰大赦改元亦失書元康二字

三月誅左將軍劉預案左下少一軍字

五月甲戌案上正月乙酉朔是月不當有此日

毘陵王軌薨案武十三王傳軌年二歲而夭太康十年追封加謚紀入此年誤

四年九月丙辰甲午案丙辰距甲午三十九日不得竝在一

月

六年十月曲赦雍涼二州案涼當爲秦時秦雍氏反故赦之以散其黨與涼州無與也

七年七月雍梁州疫大旱案五行志當作秦雍

永康元年正月己卯日有食之案通鑑攷異推長曆以爲己卯十七日不得日食又己卯書丙子前益證其謬

四月辛卯日有食之案天文志辛卯朔紀失書

永寧元年三月齊王冏討倫豫州刺史李毅應之案成都王傳毅爲冀州刺史又齊王冏傳豫州刺史何劭也傳是紀非趙王倫遣將闕和出伊闕張泓孫輔出堦坂案倫傳輔出延壽關泓和出堦坂關

齊王冏將何劭盧播擊張泓案梁王彤傳有盧播事梁趙同黨播不應爲冏將

九月丁丑案上閏三月丙戌朔推之丁丑當在八月

太安元年五月以齊王冏爲太師案通鑑作太子太師爲是十二月以長沙王乂爲太尉都督中外諸軍事案其時成都王穎遙執朝政乂未應都督中外又颺尙爲太尉乂不應更爲太尉晉春秋在二年七月通鑑從之

封東萊侯蕤子炤案蕤本東萊王降封微陽侯

二年三月荊州刺史宋岱擊李特斬之案通鑑宋作宗又特載紀特爲羅尙所殺非岱也

四月特子雄復據益州案特死弟流立流死雄始得益州

六月遣劉宏討張昌于方城王師敗績案宏傳自方城至宛所向皆平與此互異

七月臨淮人封雲應張昌自阜陵寇徐州案阜陵今全椒縣東南去徐州遠疑誤

八月劉宏及張昌戰於清水斬之案昌傳在明年秋通鑑據宏斬張奕表從本傳

十月破牽秀范陽王虓于東陽門外案成都河閒二王及虓傳通鑑皆無此疑誤

十一月辛巳壬寅癸亥甲子丙寅案辛巳距丙寅四十餘日豈得竝在一月當由失書十二月耳

長沙王乂爲張方所害案乂傳以正月二十七日死又有草

木萌芽殺長沙之謠則又死當在永興元年正月通鑑據又傳改

永興元年正月帝逼于河閔王顓密詔劉沈皇甫重討之沈舉兵攻長安爲顓所敗案通鑑此事入太安二年十一月高密王簡等奉帝北征案高密王略字元簡紀談

七月庚辰案本月丙申朔不應有庚辰日上有己未當爲庚申

八月帝走洛陽倉卒無齋侍中黃門齋私錢三千案文中上多一侍字

十一月丙午書辛丑前誤

二年六月李雄僭卽帝位案雄僭帝位惟三十國春秋與此

同華陽國志後魏書十六國春秋皆在光熙元年

八月辛丑案上正月甲午朔及下九月庚寅朔推之辛丑當在七月

范陽王虓逐冀州刺史李義案劉琨傳虓敗琨與虓奔河北說冀州刺史溫羨讓位于虓既非李義亦不云逐而紀中九月劉喬攻虓于許昌十月詔諸軍會許昌則當八月中虓尙未渡河安得有逐刺史之事乎此與下劉宏逐彭城王釋于宛同一誤宏事通鑑攷異已辨之

李雄遣李驤攻漢安案晉志無漢安之名而李雄載記稱帝後遣李國等攻漢中則安當爲中

十二月范陽王虓破劉喬于蕭梁東海王越起兵西次蕭縣

喬遣子祐拒之范陽王及劉琨率兵迎越祐眾潰喬自屯平
氏未嘗至蕭喬傳越傳可證紀誤

光熙元年正月甲子案本月戊子朔不得有甲子日
十一月庚午案上七月乙酉朔推之疑中有閏月

懷帝紀

太熙元年封豫章王案武紀在太康十年十一月

光熙元年十二月李雄別帥李離寇梁州案通鑑在永嘉元
年五月

永嘉元年正月癸丑朔三月己未朔案上光熙元年十二月
書壬午朔本年二月書辛巳七月書己酉朔前後互推之則
癸丑己未均非朔日也

二月東萊人王彌反東牟太守龐仇遇害案地理志無東牟郡東牟縣屬泰山郡此當爲東萊之誤

三月立豫章王詮爲皇太子案清河王暉傳永嘉初前北軍中候任城呂雍度支校尉陳顏等謀立暉爲太子事覺幽金墉城被害詮其弟也二年立爲皇太子於事爲合使于元年旣立詮爲太子則呂陳等亦何以生其心哉此必東海王暉暉之後立詮以靖亂耳

改封東燕王騰爲新蔡王鎮鄴案騰傳亦云永嘉初鎮鄴發并州劉琨傳永嘉元年琨爲并州刺史而本紀于騰鎮鄴後又云并州諸郡爲劉元海所陷刺史劉琨保晉陽然則是年三月琨已至并州矣而琨傳在路上表曰臣九月末得發以

本紀推之此九月不當屬光熙元年乎又本紀光熙元年九月進東瀛公騰爲東燕王疑是年即使鎮鄴騰東下而琨北上紀傳相應若以琨表所云九月屬永嘉元年則是年五月鄴城爲汲桑所破騰已被殺矣或曰初范陽王虓鎮鄴實以光熙元年十月薨騰安得先于九月代之然此必有他故史不能悉耳琨表是當時確證可不信乎劉淵載記永興元年東瀛公騰敗績懼率并州二萬戶下山東二年又遣司馬瑜等討之次于離石不惟前後乖錯而旣云騰下山東則是已鎮鄴矣復踰境遣將討淵於情事不合

五月癸盜郡夷攻陷靈州案通鑑事在光熙元年三月

十二月并州人田蘭薄盛等斬汲桑于樂陵案石勒載記王

師斬桑于平原

二年正月丙子朔案通鑑從長祿作丙午以下書丁未二月書辛卯前元年十二月書戊辰朔又天文志是年正月書戊申互推之作丙午爲是

二月石勒寇常山三月劉元海侵汲郡略頓邱河內九月勒寇趙郡十一月勒寇鄴三年三月元海寇黎陽七月劉聰王彌寇上黨圍壺關案彌傳攻壺關在攻鄴之前而勒載記陷壺關後寇魏郡頓邱鄴潰進攻趙郡又進攻鉅鹿山自東而南而北途徑畫然分明可據又案通鑑永嘉二年正月劉淵遣聰等十將南據太行石勒等十將東下趙魏二語不知出何書竊謂此文爲綱極分明蓋聰與勒攻壺關旣陷自是

兵分二路勒率劉靈閻巖等七將

見勒載記

與王彌寇鄴

王彌助勒勒記

不載見彌傳

以次下冀州郡縣悉如載記而彌復偕聰與王曠等

戰高都長平間寇河內

見彌傳

逼洛陽彌與勒分不知其地或

者攻鄴之後耶第二年之中其攻略月日無確據本紀先後

錯亂不足信卽如勒寇常山王浚破之本在三年九月先書

于二年二月此由傳記異詞史家全不檢察一事屢見且閻

于地理南北乖錯涑水仍其誤亦以勒寇常山入二年春次

及寇鄴而三年夏又云勒寇鉅鹿常山下復云王彌劉聰共

攻壺關以勒爲前鋒都督然則勒之南北迴還不且疲于奔

命而踰越阻險又何其神速乎至于取屯留長子已見永興

元年冬茲又云破屯留長子豈得而復失耶二縣在壺關之

西禾破何由得至壺關耶夫聰之寇洛陽壺關長子等縣非其必經之道而勒之攻陷冀州不先下此數邑則無由進軍也當日涑水旁採諸書卽一攻壺關也十六國春秋在三年五月晉書本紀在七月而劉琨集則在四月以前雖未知究在何月要之勒在冀州必不迴軍而南也審矣

九月石勒寇趙郡和郁自鄴奔衛國家趙郡在鄴北無踰鄴攻趙之理況下十一月又云攻鄴則郁亦不應先奔石勒載記鄴潰和郁奔是也又衛當作襄勒記亦誤作衛係縣非國十一月丁卯誤書巳酉前

三年正月甲午案通鑑是月辛丑朔又上二年十二月書辛未朔本年三月戊申丁巳等日則正月不得有甲午

三月山簡都督荆襄交廣諸軍

本傳同

案時無襄州當依通鑑

作湘

九月劉聰圍浚儀遣平北將軍曹武討之王師敗績下又云使車騎將軍王堪平北將軍曹武討劉聰王師敗績案劉淵載記此自一事而紀誤分爲二

四年六月劉聰弒和自立案通鑑當在七月

十月大星西南墜案天文志作西北墜爲是

石勒陷襄城遂至宛王浚遣鮮卑文鴛救之又遣別將王申

勒記作王甲

討勒于汶石津案宛之去幽州數千里浚安能救又

汶石津在汲郡去宛亦遠事蹟不合勒載記勒敗于倉垣退屯汶石津將北攻浚浚將王甲率鮮卑萬餘騎至乃濟河攻

襄城前後甚明

十一月甲戌丁丑誤書壬申前

流氏隗伯符等襲宜都案符下少一成字又通鑑作隗文

加張軌安西將軍案本傳乃惠帝所加時事合紀誤

十二月乙酉案通鑑長麻是年八月辛卯朔十二月不當有

乙酉

五年正月書壬申乙未案下有癸酉乙亥戊寅庚辰等日上
書乙未誤

四月石勒追東海王越喪及于東郡案東郡是時已省各傳
不見越傳作苦縣則屬梁國

宗室四十八王沒于石勒案越傳作三十六王

六月癸未案通鑑此日在五月

洛陽波尙書左僕射和郁等皆遇害案郁附兄嶠傳云奔于苟晞疾卒晞傳云豫章王端及和郁等奔晞而傳祇傳亦云洛陽陷祇合尙書令和郁徵義兵甚矣紀之誤也

劉聰以帝爲會稽公案聰載記作平阿公通鑑從之以三十國春秋晉春秋十六國春秋皆同明年二月乃封會稽也

十一月猗盧寇太原平北將軍劉琨不能制徙五縣百姓於

新興以其地居之案魏書序紀穆帝三年即晉永嘉四年帝從琨求

句注區北地琨大喜乃徙馬邑陰館樓煩繁峙崞五縣民於陘南盡獻其地又案劉琨傳單于猗匄以救東瀛公騰之功琨表其弟猗盧爲代郡公事在永嘉以前然則猗盧未嘗寇

太原也

六年二月壬子日有食之案天文志及通鑑皆書朔紀失書
八月己亥書庚戌下誤

九月猗盧使子利孫赴琨案魏書穆帝遣長子六脩桓帝子
普根爲前鋒無利孫也

益陽蔡芳初校

宿松羅中濟覆校

順德李肇沅再覆校

讀史舉正卷三

1871

讀史舉正卷四

仁和張燿曦亮撰

晉書

愍帝紀

中書郎李昕案閻鼎傳作暉王浚傳作絙三處互異

帝次藍田閻鼎告雍州刺史賈疋案疋傳愍帝以疋爲雍州刺史遣兵迎衛時恐尙是安定太守也

建興元年九月劉聰寇河南河南尹張髦死之案通鑑聰寇河南在十二月時魏浚爲河南尹

二年六月劉曜趙冉寇新豐諸縣安東將軍索琳破之七月曜冉又逼京都領軍將軍麴允破之案琳允本傳琳時已爲

征東大將軍允時已爲驃騎將軍

三年三月豫章內史周訪擊杜宏案訪傳訪時爲尋陽太守
十月以豫州牧索琳爲尙書僕射案琳傳無爲豫州牧事

四年八月始平太守竺恢等赴難案麴允傳作新平始平守
乃楊像

尙書辛賓左丞相臧振等遇害案賓乃尙書郎是時元帝爲
左丞相不得有二疑相字衍

十二月甲申朔日蝕案通鑑攷異宋志作乙卯朔與長曆合
紀誤

元帝紀

建武元年二月丙辰案上年十二月甲申朔通鑑從長曆作

乙卯朔則本年三月不得有丙辰

八尺荊州刺史第五猗爲賊帥杜曾所推遂與曾反案周訪傳猗爲愍帝所遣通鑑此事入建興三年八月後紀誤

太興二年十一月戊寅案下十二月有乙亥明年正月丁酉朔則此月不得有戊寅

三年四月壬辰案是年正月丁酉朔又閏三月則四月不得有壬辰其八月書辛未四年二月書癸亥九月書壬寅十月書壬午永昌元年三月書甲午四月書辛未丙子等日皆誤接太監元年三月戊寅朔推之益可證

明帝紀

永昌元年閏月案此文無所承當云閏十一月

太寧二年十二月梁水太守爨亮益州太守李暹以興古叛
降于李雄案梁水晉成帝分興古郡立時未有此郡也通鑑
事在三年亮作量

太寧三年二月書戊辰三月復書戊辰誤

四月石勒將石良寇兗州案勒載記作石瞻

七月以郗鑒都督青兗二州諸軍事案鑒傳作都督徐兗青
三州爲是

成帝紀

太寧三年九月癸卯誤書辛丑前

咸和元年九月李雄將張龍寇涪陵執太守謝俊下三年十
月復云張龍寇涪陵太守趙弼沒于賊當爲一事前後乖錯

四年三月以庾亮都督揚州之宣城江西諸軍事案亮傳作都督豫州揚州之江西宣城諸軍事

六年正月進司徒郗鑒都督吳國諸軍事案鑒傳當作司空六月封彭城王植子顒爲樂成王案此事在光熙元年十二月時河間王顒初死以彭城元王植子融爲嗣改封樂成王融薨元帝又以彭城康王釋子欽爲嗣上年九月徙封河間王本末具見紀傳而此年乃復書且誤以爲顒粗疏至矣八年四月封故新蔡王弼弟邈爲新蔡王案宗室傳弼以太興元年薨不應至此方以邈襲封

五月乙未慕容廆卒案上文正月辛亥朔本月無乙未日通鑑作甲寅又廆子皝嗣位通鑑在六月

九年正月以郭權爲雍州刺史案石宏載記作秦州刺史爲是

十月乙未朔日有食之紀失書

咸康五年四月庾亮遣參軍趙松擊巴郡江陽獲石季龍將李閔黃桓等案巴郡江陽乃李氏地非石氏所有安得有季龍將乎通鑑作執漢荊州刺史李巴郡太守黃爲是

八月壬午下書辛酉相距四十日又上七月己書庚申辛酉此辛酉日誤

六年正月都督江豫益梁雍交廣七州諸軍事庾亮薨案亮傳督江荆豫益梁雍六州竝無加督交廣事此紀遺荊州而云交廣疑誤

七年二月甲午朔當依通鑑作甲子朔以下有巳卯三月有戊戌也

八年三月以武悼夏皇后配饗武帝案通鑑在二月夏當作楊

六月庚申帝不愈案上正月己未朔推之六月不得有庚申日通鑑作庚寅是

康帝紀

建元元年十月以庾冰都督荆江司雍益梁六州諸軍事案冰傳作督江荆益益梁交廣七州軍事

通鑑同

十二月重書

二年二月慕容皝及宇文歸戰于昌黎案皝載記宇文敗徙

其部人于昌黎再據通鑑其戰在宇文之南羅城卽旣所改
威德城也去昌黎尙遠

八月丁巳案是月上有丙子相距四十二日通鑑丁巳乃閏
八月也

穆帝紀

永和元年八月庚辰案上正月甲戌朔是月不當有庚辰日

二年四月己酉朔日有蝕之案天文志非朔日

三年三月乙卯丁亥相距三十二日誤

四年四月范文寇九德案通鑑作九眞

五年正月辛巳朔通鑑作辛未爲是

七年十二月高昌屯野王樂立屯許昌案冉閔傳作高崇樂

宏

九年七月丁酉案本年正月乙卯朔明年正月己酉朔推之
七月無丁酉

十一年正月平羌校尉仇池公楊初爲梁式所害案宋書氏
胡傳作梁式王

升平元年正月段龕爲慕容恪所陷案通鑑在永和十二年
十一月

哀帝紀

隆和元年重書二月

三月甲寅朔日有食之案下十二月戊午朔推之三月甲寅
非朔日

興寧元年二月己亥案上年十二月戊午朔本年三月有壬寅癸卯則此月不得有己亥

二年二月慕容評侵汝南太守朱斌遁于壽陽四月王師敗于懸瓠朱斌奔淮南案壽陽卽淮南也此當爲一事通鑑竝入四月爲是

廢帝紀

太和二年四月王猛寇涼州張天錫距之猛師敗績案天錫傳作天錫敗爲是

咸安二年正月降封帝爲海西縣公案簡文紀作咸安元年十二月通鑑從之

簡文帝紀

咸安元年十一月重書乙卯一書庚戌辛亥前九誤

孝武帝紀

寧康元年八月壬子案本年正月己丑朔下年正月癸未朔
此月無壬子當是壬午之誤

三年十二月甲申誤書癸未前

太元元年十一月己巳朔案上正月壬寅朔推之不得有此
朔日

七年九月苻堅將都貴焚燒沔北田穀案桓沖傳苻堅載記

皆云晉將朱綽

通鑑同

紀誤

八年十一月庚申誤書壬子前

十二月仇池公楊世奔還隴右案宋書氏胡傳此乃楊定非

世也世已于太和五年卒矣

九年正月戊午誤書辛亥前

十二月呂光稱制河右自號酒泉公十年九月呂光據姑臧
自稱涼州刺史一事兩書誤也

安帝紀

隆安二年十二月前新安太守杜炯反于京口案通鑑作孫
泰乃孫恩叔父也

五年二月呂超弑呂纂九月呂隆降于姚興案載記纂以元
興元年死隆卽于是年降

天文志

太康六年八月丙戌朔日有食之志失書

咸康八年正月乙未朔日蝕案成帝紀作己未朔爲是以下書乙丑日也

太元元年十一月己巳朔日蝕志闕 又四年閏月己酉朔日蝕不書何月案孝武紀作十二月

太興四年三月癸未日中有黑子案通鑑作癸亥

永嘉三年正月庚子熒惑犯紫微案通鑑作辛丑朔

地理志

滎陽郡開封縣志失開字

高平國之陸湖當作湖陸見左傳襄十九年杜注

東平國之剛平當作剛父見左傳隱五年杜注

泰山郡失書平陽縣見左傳宣八年杜注

穎川郡有長平縣梁國又有長平縣疑本一縣而前後改屬志兩存之非 又穎川郡失書西華縣案晉省西華後復置荀藩封西華縣公

譙郡當爲國案左傳昭六年杜注乾谿在譙國城父縣南又譙剛王遜傳武帝受禪封譙王

鉅鹿國當作郡

樂陵國注漢置非

咸寧二年十月分昌黎遼東元菟帶方樂浪等郡國五置平州案本紀在泰始十年二月

扶風郡當有好時縣索琳曾爲令見琳傳

敦煌郡之宜安縣疑卽冥安兩漢志竝作冥 又深泉縣疑

卽前漢本郡之淵泉後漢本郡之拼泉也 又敦煌晉昌西
域都護張茂以校尉王門大護軍三郡三營爲沙州案敦煌
以下八字當在張茂以三字下通鑑云分敦煌等三郡及西
域都護三營爲沙州

天水郡漢有西縣又武都郡有上祿縣今志無案宋書氏胡
傳楊定稱藩于孝武帝求割天水之西縣武都之上祿爲仇
池郡是晉曾立此二縣也

太康三年廢甯州太安二年復置甯州案通鑑從華陽國志
廢在太康五年十二月復置在太安元年十一月

濟南郡有平陵縣見杜氏左傳莊十年注有於陵縣見杜氏
左傳昭十年注有隰陰縣見杜氏左傳哀十年注

樂安國之東朝陽案左傳襄二十七年成請老于崔注屬濟南

城陽郡壯武縣案左傳杜注作莊武 又元康十年分城陽

之黔陬壯武濱于昌安高密平昌營陵安邱大劇臨朐十一

縣爲高密國案本紀元康止九年明年正月朔卽改元永康

隴西王泰傳改封高密王元康九年薨可證志誤

營陵以下五縣故屬

東莞郡

順陽郡南鄉縣案左傳僖二十五年杜注有南鄉丹水縣南

鄉析縣哀四年注析縣屬南鄉郡是晉初南鄉爲郡也

吳分丹陽立新都郡晉改曰新安案泰始三年置新都郡于

梁州故改揚州之新都耳

吳興郡失書陽羨縣

太寧元年揚州統丹陽吳郡吳興新安東陽臨海永嘉宣城
義興晉陵十一郡案十一郡當有會稽在內

禮志

泰始二年羣臣議五帝卽天地案通鑑地作帝

四年有司奏大行皇太后當以四月二十五日安厝案本紀
四月己亥祔葬文明皇后以六月甲申朔推之則己亥乃四
月十五日也

職官志

八公竝置義陽王望爲太尉何曾爲司徒案本紀及望曾傳
其時曾爲太尉望爲司徒

永昌元年改中領軍曰北軍中候案惠帝初亦曰北軍中候
楚王瑋領之

食貨志

咸寧三年霖雨蟲災杜預上書云云案預傳及通鑑皆在四
年七月

五行志

泰始三年三月大石山崩案本紀作太山石崩 又丁未書
昏五年二月青徐兗三州水七年五月雍涼秦三州饑志竝
失書案武帝泰始年間連災志云除五帝座廢祭祀之罰夫
除五帝座乃合禮之至者而以爲廢祭祀甚矣史臣之誣也
咸寧元年五月下邳廣陵大風壞千餘家折樹木其月甲申

廣陵司吾下邳大風折木案此條文義複雜必有誤 又二年八月庚辰河南河東平陽地震案本紀無河南爲是 又五年六月癸亥安定雨雹七月丙申魏郡雨雹八月庚子河南河東宏農雨雹案本紀上四年正月庚午朔下太康元年正月己丑朔則五年六月無癸亥七月無丙申八月無庚子等日

元康四年六月壽春地大震死者二十餘家上庸郡山崩殺二十餘人志闕 又五年三月呂縣有流血本紀在六年太安元年十二月地震案本紀在十月

永嘉三年十月荆襄二州地震案襄當作湘 又四年十一月辛卯晝昏案本紀在十月爲是 又七年十月庚午大雪

當作建興元年

愍帝建武元年六月揚州旱案文愍當爲元後行仍書元帝則非傳寫之誤也

太興三年四月庚寅丹陽吳郡晉陵地震案本紀在五月爲是以是年正月丁酉朔及閏三月推之庚寅當在五月

永昌元年十月黑氣貫天案黑眚黑祥下已見此重書

永昌二年五月荊州及丹陽宣城吳興壽春大水下書太寧元年五月丹陽宣城吳興壽春大水又永昌二年十二月幽冀并三州大雨下書太寧元年十二月幽冀并三州大雪案永昌無二年卽太寧元年此皆一事誤分爲二

文帝爲晉王令賈充定法律與太傅鄭冲司徒荀覲等十四人典其事案充傳在武帝受禪後非文帝時也

凡律令合二千九百二十六條十二萬六千三百言六十卷故事二十卷泰始三年表上案本紀在四年正月通鑑從之詔下其事汝南王亮奏云云案通鑑裴頠表引元康八年事時亮死已久志誤

景獻羊皇后傳

后泰山南城人案南城前漢屬東海後漢魏屬泰山晉志無泰山郡及南城縣

景帝更娶鎮北將軍濮陽吳質女案魏志質濟陰人又注質別傳以侍中卒

惠費皇后傳

趙粲賈午韓壽等皆伏誅案壽于元康初卒此誤

惠羊皇后傳

孫秀與后外祖孫旂合族故以太安元年立爲后案太安初孫秀已誅安得議立后乎惠帝紀在永康元年十一月爲是河間王顒矯詔賜后死以劉暉奏得免帝還洛迎后復位後洛陽令何喬又廢后張方首至復后位案本紀永興二年十一月立節將軍周權復后丰氏洛陽令何喬攻權殺之復廢后光熙元年正月河間王顒殺張方五月帝還洛陽六月至復后位然則喬廢后卽在賜后死之時帝還洛在張方死之後傳分爲二誤

哀靖王皇后傳

興寧二年崩案本紀在三年正月

王祥傳

泰始五年薨案本紀在四年四月

何曾傳

魏明帝初爲平原侯案侯當爲王魏志可據

咸熙初文帝爲晉王曾與高柔鄭沖俱爲三公案柔傳于景

元四年薨

陳留王紀同

咸熙初安得尙存

何劭傳

遷侍中尙書案通鑑武帝末劭曾爲中書令亦見本書楊駿傳本紀作中書監

石苞傳

琅琊王佃自下邳會壽春案泰始五年二月佃鎮下邳時未
爲琅琊乃東莞王也

羊祜傳

泰始初詔以祜爲尙書右僕射案本紀作左僕射時東莞王
佃爲右僕射

杜預傳

尙書奏皇太子亦宜釋服案禮志尙書祠部奏從博士張靖
議此云尙書誤

陳騫傳

魏書注引晉書曰騫字休淵傳失之

咸寧初竊遷太尉轉大司馬言胡烈牽宏勇而無謀案本紀
竊泰始十年九月爲太尉咸寧二年八月爲大司馬時烈宏
已死此傳乖錯

裴楷傳

鍾會薦之文帝賈充改定律令以楷爲定科郎詔于御前執
讀案律令成于泰始三年非文帝時也刑法志武帝使楷執
讀

裴憲傳

永嘉末王浚爲石勒所破案勒破浚在建興二年三月見本
紀

衛瓘傳

徒通事郎轉中書郎案職官志魏置通事郎晉改中書侍郎
傳分爲二誤

張華傳

進封壯武郡公案本書志壯武縣屬城陽郡不言置郡

太原王輔傳

子宏元康中徙封中邱王案中邱縣屬趙國王不應降封縣
本紀元康三年太原王宏薨亦不云中邱

下邳王晃傳

封始亭侯案文亭上有脫字 又本紀晃以元康六年正月
薨傳作咸寧六年誤

高陽王珪傳

詔以太原王輔子緝襲爵案輔時尚爲渤海王咸寧三年徙

太原

高密王泰傳

安西將軍領益州刺史案西當爲南下云遷安西可見

代下邳王冕爲尚書左僕射案左當爲右時魏舒爲左僕射

高密王略傳

永興初愷合劉根起兵案文根上少柏字本紀柏根反在光

熙元年三月

新蔡王騰傳

公師藩與平陽人汲桑爲盜案石勒載記藩乃陽平人桑魏
郡人此云平陽得非因陽平而誤耶

范陽王綏傳

咸寧五年薨案本紀在四年七月

范陽王虓傳

拜虓爲司徒本紀作司空

永興三年薨案本紀是年六月改元光熙十月虓薨不得仍稱永興

濟南王遂傳

子耽咸寧三年徙中山王是年薨案本紀元康二年九月乙酉中山王耽薨傳誤 又傳言遂二子耽緝耽薨無子緝繼緝薨無子國除後復云有遂曾孫勳自相違反

譙王遜傳

二子隨承案通鑑承作承音拯

東安王繇傳

永康中徵繇復封案本紀復封在永寧元年九月

扶風王駿傳

咸寧初羌虜樹機能等叛案樹機能泰始六年已叛不至咸

寧初

梁王彤傳

永康二年薨本紀在太安元年五月

王浚傳

永嘉中石勒寇冀州浚遣鮮卑文鴛討勒勒走南陽明年勒復寇冀州刺史王斌被害案勒自永嘉二年至四年無歲不

寇冀州然王斌之死本紀在三年十一月通鑑同文鴛之師本紀在四年十月

荀藩傳

以從駕討齊王冏勳封公案本紀藩曾從駕討成都王穎至鄴若齊王則在京城內何必從駕哉

楊駿傳

遺詔以進爲太尉輔政自是一日而崩案本紀駿爲太尉在四月辛丑帝崩在己酉非止二日也

劉寔傳

元康九年拜司空案本紀及張華傳永康元年四月華被害以寔爲司空

王濬傳

參征南軍事案本紀咸寧二年十月羊祜爲征南將軍而濬遷益州刺史在誅張宏後時爲泰始八年然則濬所參非征南也

王衍傳

石勒王彌寇京師案此文在衍遷太尉之前乃是永嘉二年五月事無石勒也

鄭默傳

太康元年卒案上文云聽大臣終喪自默始也本紀太康七年始制大臣終喪三年則是元年爲九年之誤

李允傳

封廣陸伯案本書地理志無廣陸

盧志傳

帝還洛陽志啟以滿奮爲司隸校尉案帝幸鄴後上官已等守洛陽縱暴河南尹周馥與司隸滿奮謀除之謀泄奮被害事見馥傳安得還洛時尚在乎

虞湛傳

湛選尙武帝女滎陽公主未成禮而公主卒華恆傳又云尙武帝女滎陽公主必有一誤

華嶠傳

出爲安平太守案安平國也不當有太守

嶠子頤官至長樂內史案本書地理志無長樂郡國而本紀

太康五年二月立南宮王子玷爲長樂王則是晉初有此國
其後省耳

石鑿傳

封堂陽子案堂陽前漢屬鉅鹿後漢屬安平晉地理志無
鑿坐討吳賊虛張首級遣歸田里久之拜右光祿大夫領司
徒太康末拜司空案本紀自平吳後至太康末李允山濤魏
舒王渾相繼爲司徒不見有鑿紀又云以右光祿大夫石鑿
爲司空然則鑿無領司徒事

封昌安縣侯案本紀元康四年正月書安昌公石鑿薨

劉暉傳

奏免東安公繇案文公當作王又此事在趙王篡位惠帝復

阼之後東安王傳失之

瞰五爲司隸案本紀止四爲司隸耳

和嶠傳

惠帝卽位拜太子太傅案愍懷傳作太子少保時爲太子太

傅者王戎也

本紀及戎傳同

元康二年卒永平初謚曰簡案永平元年三月卽改元康此
分爲二誤

武陔傳

累遷下邳太守案下邳後漢及晉竝爲國不得有太守

讀史舉正卷四

益陽蔡芳初校

宿松羅忠濟覆校

順德李肇沅再覆校

增補

增補

增補

增補

增補

增補

增補

增補

增補

增補

增補

增補